

李文恭公遺集

李文恭公奏議卷十三目錄

湘陰李星沅石梧著

男

概 榛 栢

編次

滇督

遵

旨馳驛赴任並道出黔省日期摺子

附奏查辦事件均俟到任候審度彙奏片子

恭報到雲貴總督任並兼署雲南撫篆摺子

緬甯游匪滋事請將該管總兵先行議處摺子

附奏查辦猛緬匪徒情形片子

附奏由蘇抵滇所過地方情形片子

訪查原辦回務大概情形並現在籌勦緬匪先飭

臬司出省策應摺子

請升夷疆要缺同知摺子

請升要缺直隸州知州摺子

特參疎防勾決人犯中途被劫之知州摺子

附奏兩省所屬文武暫緩出考片子

堵勦緬甯回匪摺子

附奏舉行團練片子

附奏動撥軍需銀三萬兩片子

請獎捐輸軍需人員摺子

附奏覆核趙維藩胡炯捐輸請獎片子

附奏已革知縣捐輸開復片子

附奏交卸雲南撫篆日期片子

恭報兼署雲南撫篆日期摺子

奏請揀發州縣等員摺子

奏請揀發參游都司等員摺子

雲回恃險拒捕現飭官兵圍剿摺子

附奏先行覆陳剿辦匪徒並察看蔭德布是否勝

任片子

奏報籌剿雲回實在情形摺子

恭謝

頒賞福字奶餅果乾摺子

委署鎮遠騰越等鎮總兵篆務摺子

奏請援案於黔省藩庫收捐並展捐輸限期摺子

附奏暫兼學政日期片子

奏報官兵圍剿拏獲回案首要各犯勒交餘匪漸

就肅清摺子

覆奏查明原辦回務實在情形摺子

附奏覆查蔭德布未能勝任並李能臣擬請開復

片子

遵

旨馳驛赴任竝道出黔省日期摺子

奏爲遵

旨刻速馳驛赴任并道出貴州省城日期仰祈

聖鑒事竊臣欽奉

恩旨擢授雲貴總督著卽馳驛赴任遵於道光二十六年九月十一日交卸江蘇撫篆卽行由驛僱程恭摺具

奏在案旋在湖南途次承准軍機大臣字寄奉

上諭前有旨將李星沅授爲雲貴總督著李星沅接奉
諭旨後刻卽馳驛速赴新任到任時卽催令陸建瀛
迅速馳赴江蘇均毋稍遲張日晟現因母病賞假二
十日李星沅抵滇時如張日晟尙未到任所有雲南
巡撫印務卽著李星沅兼署以便陸建瀛交卸起程
將此諭令知之欽此臣自奉

命馳驛兼有

飭查密件卽以事宜確速行程未敢稍遲且調任撫臣

陸建瀛須

臣

抵滇後始克前赴江蘇勢不容緩值

茲路長暑短當經夙夜遄征嗣因新任撫臣張日

鼓到任需時

臣

當先往兼署一路凜遵

諭旨刻速上緊前進凡四十五日歷六十八站茲於十

月二十六日道出貴州省城由此至雲南省署尙

有十八站兼程不過旬餘容

臣

馳抵任所祇領總

督關防卽兼署雲南撫篆一面飛咨陸建瀛催令

先期料理交篆後迅速馳赴江蘇均不致稍有稽延以期各專職守勉紓

聖主慎重地方之至意爲此繕摺恭

奏伏乞

皇上聖鑒再臣此次封摺借用貴州巡撫關防合併陳明謹

奏
道光二十六年十月二十六日具

奏奉

硃批好欽此

李文恭公奏議

卷十三

滇督

三

附奏查辦事件均俟到任後審度彙奏片子

再臣承准軍機大臣字寄道光二十六年九月二十九日奉

上諭著李星沅將賀長齡所稱各節逐一確查是否屬實并將該處現在情形及應辦各事宜悉心籌畫據實具奏原摺著鈔給閱看等因欽此查滇省兩年回務臣以遠道探訪畧有所聞前次恭謝

天恩曾經附奏茲蒙

飭發賀長齡原摺閱看情事不甚懸殊惟回案曾否就
竣原辦是否屬實必須親加體察逐一確查并就
現在情形籌定應辦事宜及回犯張富率衆投誠
一節均俟臣到任後悉心審度再行據實彙摺上
聞祇候

訓示合先附片陳明謹

奏

殊批責無旁貸若稍遷就自難處矣懍之勉之欽此又

於回案曾否就竣二句旁奉

硃點

恭報到雲貴總督任並兼署雲南撫篆摺子

奏爲恭報

微臣

接受督篆日期並遵

旨兼署雲南撫篆叩謝

天恩仰祈

聖鑒事竊臣前奉

諭旨刻速馳赴新任遵卽由驛遄行十月二十六日道
出黔省曾經專摺

奏明在案茲於十一月初八日馳抵雲南省城准調

任江蘇巡撫臣陸建瀛先後飭委雲南府知府蔣
爵遠署督標中軍存柱等齎送雲貴總督雲南巡
撫兩關防竝

王命旗牌文案移交到臣謹卽恭設香案望

闕叩頭祇領視事伏查雲貴兩省實爲西南奧區遠
接彝番近連楚蜀山多田少夙鮮富饒地險路歧
易滋奸宄爲窮檐謀生聚牧令必選循良爲邊徼
飭防維將士必勤訓練臣以迂庸之質曷勝艱鉅

之投一縷愚誠矢諸寤寐固不敢遇事操切尤不敢畏難苟安獨任兼權勉膺

重寄冰淵是凜惕勵交深惟有籲懇

鴻慈俯加

訓示俾得服膺遵守藉以稍竭駑駘感荷

生成益無旣極所有微臣接受督篆日期竝兼署雲南

撫篆理合恭摺具

奏叩謝

天恩伏乞

皇上聖鑒謹

奏 道光二十六年十一月十一日具

奏奉

硃批知道了當今之弊總在蒙蔽不實處處皆然深堪
痛恨卿其努力以副簡任欽此

緬甯游匪滋事請將該管總兵先行議處摺子

奏爲緬甯界內游匪闖入滋事疊飭該管文武迅速
相機剿除竝將專轄總兵官請

旨先行交部議處恭摺奏祈

聖鑒事竊臣行抵任所查據署迤西道黃德濂十月二
十八九等日稟稱大小猛統地方游匪糾約千餘
人藉口道光十九年客民械鬪之嫌於十月十五
日闖入緬甯新寨強搶仇殺等情臣查兇徒千百

爲羣遠由土司地界肆擾邊境且以事隔多年之
案烏合無業之人或匪或回幾難區別忽聚忽散
尤易蔓延亟宜一鼓殲除刻不可待卽經查照前
撫臣陸建瀛批飭該管文武飛速馳往堵剿無稍
稽延竝於接管卷內查閱提臣蔭德布函稱疊飭
騰越鎮總兵李能臣先赴順甯以資鎮定及查該
鎮來稟止稱札調騰龍官兵俟順甯有信卽可調
遣又云倘再不遵約束卽當帶兵前往等語經前

撫臣委員密查竝移咨前來臣以兵貴神速事審
機宜該鎮李能臣平日尙稱驍勇一聞轄境被擾
應卽酌帶兵練奮迅先驅滅此朝食乃計期已逾
旬日至今未報起程殊屬不知緩急相應請

旨將騰越鎮總兵李能臣先行交部議處仍由臣疊札
嚴催責令兼程前進務當振刷戎行痛懲匪黨如
果稍存觀望卽行從重指參以肅專閫爲此繕摺
具

奏伏乞

皇上聖鑒訓示謹

奏 道光二十六年十一月十一日具

奏奉

硃批所奏是另有旨欽此內閣奉

上諭李星沅奏游匪滋事專轄總兵未能迅速勦除請
先行議處一摺此次緬甯界內游匪滋擾該總兵自
應立即馳往堵剿乃疊經飭令速往旬日未報起程

殊屬不知緩急雲南騰越鎮總兵李能臣著先行交
部議處仍著該督確切查明該鎮因何遲延倘係意
存觀望卽行從嚴參處毋稍姑容欽此

附奏查辦猛獮匪徒情形片

再臣入境以來詳加詢訪竊見滇回雜處實繁有徒始因口角微嫌動輒糾眾仇殺久之很戾成俗視若固然於是外來游匪惟恐彼此無事或從中構煽或假冒橫行既藉回寺之公費以便瓜分又恃回眾之齊心以肆荼毒故回與民常相鬥無仇妄云有仇卽回與回亦相尋無產害及有產展轉勾結虛實混淆強搶兇毆所在多有不自今日爲

始亦不獨邊地爲然節經前任督撫臣分別

題奏照律治罪有案現查猛緬滋事聲稱回民報復
仍多無籍之徒附和成羣山徑叢歧距省寫遠難
保不分途竄擾若非嚴速勦辦刁風何由止息臣

愚以治回必先治匪安回卽以安民業經疊飭該
管文武迅卽相機兜捕首從務獲無使奔突四散
仍飭諄切曉諭回民責成掌教衿耆漢民責成鄉
保族長各清各戶無聽糾約無任容留務令匪黨

解散臣甫經抵任何敢操之過急速效是圖惟當
隨地隨時就案重懲實力振作各營縣均經飛飭
一體嚴密防範不准稍存諱飾亦不准過事張皇
以冀悍習漸除邊氓樂業勉慰

宸厪除再確查妥辦并前奉

諭旨欽遵據實覆奏外合先附片縷陳伏乞

聖鑒謹

奏

疎批辦此等事切忌諱飾玩懦務當嚴加整飭妥速而
行勉之欽此

附奏由蘇抵滇所過地方情形片子

再臣所過各省地方如江蘇儀徵六合積雨連旬
農民爭盼晴霽安徽廬州安慶等處大畧相同幸
秋糧早已收齊二麥亦經播種至湖北黃州湖南
常德一帶蕎麥均極芄茂麥苗漸露青蔥惟雨澤
稍稀大田尙資膏潤入貴州境以後寸步皆山地
形磽瘠而物價甚賤民生亦勤歲稔時和氣象均
爲熙皞洵足仰慰

聖懷謹

奏

硃批知道了欽此

訪查原辦回務大概情形竝現在籌勦緬匪先飭
臬司出省策應摺子

奏爲訪查前督臣原辦回務大概情形并現在籌勦
緬甯回匪先飭臬司出省分駐策應遵

旨由驛馳

奏仰祈

聖鑒事竊臣於道光二十六年十一月初八日抵滇接
篆卽於十一日恭摺

奏報并附陳緬甯回匪滋擾業經札飭鎮道調撥兵
練前往勦辦在案嗣復承准軍機大臣字寄十月
十七日奉

上諭賀長齡奏查明要犯張富等懇請免罪一摺業經
降旨令李星沅徐廣縉於到任後嚴密訪查具奏矣
茲復據奏該犯等實係真心投誠現又招出餘黨仍
請免罪等語著李星沅再行詳加體察悉心酌辦斷
不可將就了事有傷國體尤不可姑息目前措置失

宜致貽後患倘賀長齡苟且目前辦理不善卽著據實嚴參不可代人受過也原摺著鈔給閱看將現辦情形以及定擬之摺俱著由驛馳奏等因欽此又前在湖南途次奉

旨飭發賀長齡原奏辦理回務一摺著到任後逐一確查是否屬實等因欽此遵查滇回自上年四月在永昌府保山縣板橋地方與漢民口角爭鬪回民糾眾報復愈聚愈多遂由猛庭起事互相燒殺官兵

卽往助勦九月初二日猝聞永城回民內應迤西
道羅天池等立卽會營督練搜殺其城外回匪連
日迎拒官兵漸歸猛庭解散本年正月復由猛庭
糾搶燒斷江橋提臣張必祿等會兵截擊間有斬
獲回匪仍踞猛庭相持月餘始行求撫提臣卽予
免死一面撤兵計兩年勦辦事宜前督臣賀長齡
均經馳往督飭并先後殲除逆回安撫難回勸諭
良回及設漢回互保之法共立和同彼此遵守皆

有文稟可憑詢諸官紳亦無異議惟漢回積怨深
恨直若性生始則漢多於回寡不敵衆久乃回戾
於漢弱不敵強因而厰匪內藏游匪外附羣以搶
掠爲業聊藉報復爲名大而械鬪小而焚劫幾至
無歲不有永昌特其一事耳督提會調官兵力圖
整頓自是正辦乃一誤於羅天池之輕發再誤於
張必祿之緩攻勦旣失平撫亦過厚賀長齡以常
處事而不虞事之變以誠待人而不覺人之欺積

漸成之而欲奮迅去之收效固不易也如果賀長齡苟且目前辦理不善容臣再四查察一有確據卽行據實

奏參斷不敢以籍隸同鄉稍存廻護代人受過卽此次緬甯之擾該匪預遞告白以十九年楊耀斗等聚眾燒殺特來報仇爲詞其展轉尋衅與永昌前案有無牽涉仍須澈底根查又據雲州稟報十月二十八日該州奉文處決絞犯馬子鳴易幘亮二

名係道光二十二年糾毆胡潮順等案內回犯突
有回匪百餘人持械中途打奪拒傷弁兵脫逃地
方官防範不嚴應行另摺參辦并查此項匪徒是
否卽由緬甯分途潛匿抑或另有勾結均飭確訪
兜拏至回犯張富本係樂黨回種趕驟爲活平日
無足重輕不過樂黨之回同類尙通聲息他處卽
不相聞其籲懇投誠附繳器械檢查文案均有鎮
道等函稟及該犯供結可憑旋經地方官派往回

寨開導近復隨赴緬甯如緬事就竣該犯竟無反側或卽以能否出力察其是否真心正當有事之秋一時實難懸定自應詳加審度俟新任撫臣徐廣縉到任後會核具

奏現在緬匪伏莽出沒無常忽少忽多兇橫不法節經札調各路兵練飛速齊集嚴飭鎮將管帶刻期進攻提臣蔭德布亦駐順甯會勦臣以該處距省較遠復飭臬司普泰卽日前往分駐要隘地方以

資堵緝而速文報如其驟難撲滅須臣親往督催
卽當馳赴前途相機調度勉期妥速蔽事臣甫經
抵任疊奉

諭查各件及籌勦緬回均未卽有定局因念滇南萬里
事近軍情誠恐上煩

宸注謹先密陳大概遵

旨由驛馳

奏伏乞

皇上聖鑒謹

奏 道光二十六年十一月二十四日具

奏奉

硃批另有旨欽此

請升夷疆要缺同知摺子

奏爲夷疆要缺同知遴調乏員仰懇

聖恩俯准升補以裨地方事竊查雲南昭通府分防大
關同知成文丁憂開缺所遺係夷疆要缺例應在
外揀員升調查該廳界連川黔漢夷雜處政務殷
繁兼有承運京銅之責非精明幹練之員不足以
資治理臣與藩臬兩司於通省實缺同知內逐加
遴選非現居要缺卽人地未宜現在竝無合例堪

調之員亦無候補同知惟查有昆明縣知縣侯晟
年四十七歲江蘇副榜考補正黃旗教習期滿以
知縣用分發雲南道光十七年到滇委署景東同
知南甯縣知縣委運京銅回滇二十二年

題補平彝縣知縣調補今職二十四年二月到任現
署景東同知臣到任未及三月例不出考既據雲
南藩司趙光祖等查明該員安詳老練辦事勤能
歷俸已滿三年在滇年久熟悉邊地夷情以之升

補大關同知洵堪勝任與例亦符會詳請

奏前來合無仰懇

天恩俯念員缺緊要准以昆明縣知縣侯晟升補大關
同知洵於要缺有裨該員係現任知縣請升同知
如蒙

俞允照例給咨送部引

見恭候

欽定其任內一切因公處分例免核計飭將未完罰俸

銀兩按限完繳造冊送部外所遺昆明縣知縣係
省會首邑題調要缺另容揀員調補再雲南巡撫
係臣兼署毋庸會銜合併陳明臣謹恭摺具
奏伏乞

皇上聖鑒訓示謹

奏 道光二十六年十二月初二日具

奏奉

硃批另有旨欽此內閣奉

上諭李星沅奏遴員升補要缺同知一摺著照所請雲
南昭通府分防大關同知准其以侯晟升補照例送
部引見該部知道欽此

請升要缺直隸州知州摺子

奏爲要缺直隸州遴調乏員懇

恩俯准升補以資治理事竊照廣西直隸州知州陳步
賢以書院爲名建設生祠審理訟案擅自科罰經
前撫臣陸建瀛

奏參革職所遺廣西直隸州知州係在外揀選調缺
滇省額設直隸州三缺內除元江直隸州係烟瘴
調缺不便更調武定直隸州福瑞人地不宜一時

實無合例堪調之員臣與藩臬兩司於應升人員內逐加遴選查有蒙自縣知縣丁楚玉年四十三歲順天進士翰林院庶吉士充

武英殿協修散館引

見以知縣用選授祿勸縣知縣調補今職道光二十二年正月到任臣歷俸已滿三年臣到任未及三月例不出考該藩司趙光祖等查明該員精明練達辦事老成以之升補廣西直隸州知州洵堪勝任惟

以調缺請升與例稍有未符但該員在滇年久熟悉邊地夷情據藩臬兩司會詳前來臣謹遵人地
相需之例專摺具

奏合無仰懇

天恩俯准以蒙自縣知縣丁楚玉升補廣西直隸州知
州實於地方有裨如蒙

俞允照例給咨送部引

見恭候

欽定其任內參罰俸銀已據完解此外甫經開參各案
俟部覆至日飭令完繳所遺蒙自縣知縣係在外
揀調之缺另容遴員調補理合恭摺具

奏伏乞

皇上聖鑒訓示再此案例應會銜今雲貴總督係臣本
任毋庸列銜合併陳明謹

奏
道光二十六年十二月初二日具

奏奉

硃批吏部議奏欽此

特參疎防勾決人犯中途被刼之知州摺子
奏爲特參疎防勾決人犯中途被刼之知州請

旨革職勒緝以肅

功令事竊據代理順甯府雲州知州顧壬濬稟報道
光二十六年十月二十八日接奉密札飭將秋審
絞犯馬子鳴易幘亮二名處決具報當卽移會駐
汛把總蘇萬年外委賀萬年等帶領兵丁差役將
該犯等提出驗明綁赴市曹行刑甫至中途突有

回民百餘人執持器械上前奪犯當與汛弁督率
兵役攔捕該回民等倚恃人衆拒傷兵丁九名並
將外委賀萬年毆傷絞犯馬子鳴易幗亮均被劫
去等情臣查該犯馬子鳴易幗亮均係雲州回民
道光二十二年因聽從馬子梁與漢民楊德培糾
衆互毆致斃漢民胡潮順等七命案內該犯等各
斃一命審依共毆人致死律絞候本年秋審情實
奉

旨勾決之犯該回民等膽敢糾集百餘人執持器械拒傷官兵肆行劫奪實屬不法已極亟應上緊追拏當經臣飛札附近各州縣懸立重賞嚴密堵捕現值臬司普泰出省督勦緬甯回匪復令就近督飭設法緝緝務將該犯馬子鳴等及行劫拒捕各犯迅速弋獲毋許一名漏網該代理州顧壬濬接到密札處決重囚自應倍加嚴密乃不能先事防範以致兩犯被劫又不能迅速緝獲實非尋常疎忽

可比據藩臬兩司轉據該管道府揭報前來除委
員前往摘印署理外相應請

旨將代理雲州知州巧家經歷顧壬濟革職畱於地方
勒限三箇月協同接任之員認真緝拏限滿有無
獲犯再行照例辦理爲此恭摺具

奏伏乞

皇上聖鑒訓示再雲貴總督係臣本任毋庸列銜合併

陳明謹

奏 道光二十六年十二月初二日具

奏奉

硃批另有旨欽此奉

旨這所參疎防勾決人犯中途被劫之雲南代理雲州知州巧家經歷顧壬濬著卽革職畱於地方勒限三箇月協同接任之員認真緝拏被劫及拒捕各要犯迅速弋獲無許一名漏網限滿有無獲犯再行照例辦理欽此

附奏兩省所屬文武暫緩出考片子

再雲貴兩省提鎮司道府等官例由總督歲杪出具切實考語密封陳

奏臣到任未及一月文武各員固多接見就事亦有訪聞而才力之短長治行之優絀心術之誠僞未敢以淺嘗博採遽自信爲真知容再明試以功推求其實隨時親註密考上達

宸聰合先附片陳明謹

奏

硃批是欽此

堵剿緬甯回匪摺子

奏爲官兵赴調漸齊回匪聞風散匿仍飭提鎮帶兵
分途堵剿仰祈

聖鑒事竊緬甯回匪滋擾經前撫臣委員會同鎮道馳
往查辦臣抵任後復准提鎮咨稟酌調官兵疊飭
相機掩捕竝委臬司出省策應恭摺

奏明在案茲據騰越鎮總兵李能臣署迤西道黃德
濂會稟十一月十九日先委署遊擊陳得功由順

甯府城帶兵赴緬應援行至把邊關地方卽據差
探查報前在緬甯回匪因聞官兵將至於十五六
及二十等日陸續散盡間遇汎兵鄉練中途截擊
有逃入雲州回寨者又有大夥六七百人進鎮康
小猛統而去等情并據提臣蔭德布函同前由臣
查該匪等自十月十五日糾集千有餘人由大小
猛統闖入緬甯新寨勢頗猖獗卽經飛調官兵一
由順甯前路徑入一由緬甯後路抄出均歸提鎮

調遣預備同時夾攻計期尙未到齊該匪等出沒
無常乘間劫掠竝未接戰受創何肯遽行散匿且
雲州於十月二十八日適有回匪劫囚之案此次
緬甯逃匪復向該處分投是其聲息相通情狀相
類雖勾連抗拒尙無實蹟難保非恃險負隅且緬
甯至雲州山徑叢歧更慮其去而復來分我兵力
現經責成提鎮迅將後路甫到之兵仍於雲緬附
近扼要駐紮一面督催前路官兵相度雲州各隘

口逐層布置周密諭令該回寨指拏前劫重囚及
商同劫囚竝現在逃匿各犯如敢負固不服玩延
不交立即統帶兵練四面攻勦仍追查緬甯滋事
首要匪徒如果潛聚小猛統卽嚴飭鎮康土司密
定期約協同官兵內外兜拏無令狡脫蔓延以期
醜類剪除善良安戢勉副

聖主綏靜邊疆至意爲此繕摺具

奏伏乞

皇上聖鑒謹

奏
道光二十六年十二月初五日具
奏奉

硃批認真勦辦萬勿姑息欽此

附奏舉行團練片子

再雲緬一帶地接邊陲林箐叢雜遊匪習知路徑
便捷自如外則遁出夷方內則竄入鄰境散歸村
寨仍冒良民嘯聚成羣輒行剽掠若非厚集兵力
無以儆彼兇頑惟滇省地廣人稀各標營相距寫
遠山高石滑險峭異常兵行旣難兼程寇至卽難
立應一有徵調率多後時且官兵以火器爲先施
諸狹隘則不便匪黨以野戰爲利禦以整隊則弗

宜又或兵未及齊賊已先遁兵方漸撤賊復欲來
勞逸之勢攸分攻守之策宜豫卽此次緬甯回匪
反復肆擾自應懲創從嚴而兵出賊歸兵聚賊散
挾其故智前後若出一途臣到任以來細加察訪
情形稍悉籌慮倍深現飭在事文武趁此師旅漸
集務須激揚士氣振刷積疲或設伏間出奇兵或
就近兼用土練散黨與以清勾結擇要隘以慎周
防保屯積以絕寇糧稽軍火以嚴接濟待彼窮蹙

痛予殲除至此類踪跡靡常所在多有固不忍禽
獮草薶更無從埽穴犁庭若以小醜跳梁動輒勞
師糜餉於理似爲不值於勢亦有所難欲期簡易
可行莫如團練之法人自爲衛農卽爲兵寇至則
修我戈矛寇去則入此室處無調發支給之擾無
跋涉轉徙之煩不必伺其方來而常存備禦不必
極其所往而各固藩籬以治匪而不勞以輔兵所
不逮計無便於此者臣已疊札通飭諄諭地方官

認真董勸實力奉行因地因時相保相助務有裨
於邊備而無藉於軍需其夥黨較多情節較重者
仍卽會營稟商籌勦不准諱飾姑容久之漢回協
和聯爲一氣游匪無所託足或亦化莠爲良之道
敢再披瀝密陳據實具

奏伏乞

聖鑒訓示謹

奏

硃批所見極是妥實相機而行欽此

附奏動撥軍需銀三萬兩片子

再查大小猛統地方遊匪闖入緬甯界內滋事經
前兼署督臣陸建瀛

奏請於邊費項下動撥銀一萬兩委員解往備用在

案臣查此次回匪肆擾邊隅節經先後調撥騰龍

普洱威遠鶴麗等鎮協營并提標官兵前往合力

攻勦現在陸續雲集所有軍火糧餉行裝夫馬等

項需用浩繁前解銀兩竊恐不敷支給自應寬爲

籌備應請仍於溢課備邊項下酌撥銀三萬兩存
貯一面委員先解銀一萬兩赴大理府庫交收備
用此後如再不敷卽行酌量籌款撥解以資接濟
臣當督飭委員加意撙節認真經理毋令稍有虛
糜以重

帑項理合附片陳明伏乞

聖鑒謹

奏

硃批依議該部知道欽此

請獎捐輸軍需人員摺子

奏爲滇省官紳捐輸軍需經費恭摺奏懇

天恩俯准獎勵事竊照道光二十六年二月內勦辦回

匪借動鹽課項下銀兩經前督臣賀長齡

奏請由滇省續捐歸款一摺旋由部議應准援照上年捐輸成案按豫工二卯例定銀數查核辦理以奉

旨之日起扣滿一年卽行停止所捐銀兩收貯藩庫歸

補借動鹽課之款按次報部俟捐輸限滿是否敷用另行奏請核辦等因具奏道光二十六年五月十五日奉

上旨依議欽此咨行到滇當經前督臣欽遵轉行各屬曉諭去後茲據藩司趙光祖等詳報自道光二十六年五月十五日奉

旨起至十一月二十三日止據捐輸人員陸續報捐銀九萬九千三百四十四兩開單請奏前來臣查該

員等情殷報効踴躍急公自應仰懇

天恩逾格獎勵以昭激勸現在聞風興起者尙不乏人
一俟捐有成數卽當隨時具

奏至捐輸限期將次屆滿截數容再綜計是否敷用
另行酌核

奏辦除飭藩司將所收銀兩驗收貯庫撥還歸款報
部外謹將姓名履歷及捐輸銀數恭繕清單敬呈
御覽伏乞

皇上聖鑒訓示謹

奏
道光二十六年十二月初五日具
奏奉

硃批該部議奏單併發欽此

附奏覆核趙維藩胡炯捐輸請獎片子

再查前准吏部咨道光二十六年閏五月二十六日奉

上諭其請加五品頂戴之山西試用通判趙維藩捐復分發雲南之降調府經歷胡炯均著該督另核請獎等因欽此當經前督臣欽遵轉行遵照去後茲據分發山西試用通判趙維藩捐銀二百兩及前次捐銀六百兩共捐銀八百兩請給鹽提舉銜又據降

調府經歷胡炯遵照部文續捐銀三百三十八兩
及前次捐銀七百六十兩共捐銀一千九十八兩
請以府經歷分發雲南歸候補班補用各將捐項
呈繳藩庫由司查明會詳前來臣查豫工二卯事
例由通判捐鹽提舉雙月應銀八百兩降調府經
歷捐復原官至分發指省歸候補班補用共應銀
一千九十八兩該員等現捐銀數均屬與例相符

謹擬請

旨將趙維藩給予鹽提舉銜仍以通判分發山西補用
胡炯以府經歷分發雲南歸候補班補用理合附
片具陳伏乞

聖鑒訓示謹

奏

硃批該部議奏欽此

附奏已革知縣捐輸開復片子

再據雲南藩司趙光祖會同臬司普泰詳稱前任
順甯縣革職知縣孫兆蕙年四十八歲順天宛平
縣人因於道光二十四年順甯縣任內漢回互鬥
相驗革率經前撫臣吳其濬

奏參革審嗣經訊明結案奉准部覆以該革員未能
先事預防又不能悉心驗訊雖非有意消弭諱飾
於兇犯罪名亦無出入究非尋常相驗革率可比

業經革職應無庸議等因今該革員因年力正強不敢自棄願捐銀二千七百兩呈請捐復原官冀圖報効等情由司查明會詳前來臣查捐輸章程內開凡降調革職人員准其在外省一體捐輸又常例革職人員並無餘罪俱准捐復原官茲前任順甯縣革職知縣孫兆蕙因相驗草率部議革職核其情節事屬因公係常例准其捐復之員可否准其捐復之處出自

恩施謹據情附片具

奏伏乞

聖鑒訓示謹

奏

硃批吏部議奏欽此

附奏交卸雲南撫篆日期片子

再臣准新任雲南撫臣徐廣縉由貴州省城函知
定於十二月初十日至滇接印臣卽於初五日交
卸兼署撫篆飭委署雲南府知府桑春榮雲南城
守營參將陳啟貴恭齎雲南巡撫關防迎赴前途
如期交新任撫臣祇領視事合併陳明謹

奏

硃批覽欽此

恭報兼署雲南撫篆日期摺子

奏爲恭報微臣兼署撫篆日期叩謝

天恩仰祈

聖鑒事竊臣於道光二十六年十二月二十六日准吏部咨開內閣奉

上諭廣東巡撫著徐廣縉調補卽赴新任毋庸來京請訓雲南巡撫著程矞采補授該撫現辦江蘇漕務著俟陸建瀛到任後再赴新任亦著毋庸來京請訓程

喬采未到任以前雲南巡撫仍著李星沅兼署欽此
聞

命之下感悚倍深遵於道光二十七年正月初二日准
調任廣東巡撫_臣徐廣縉委員齎送雲南巡撫關
防並

王命旗牌文案等件移交到_臣謹卽望
闕叩頭祇領任事伏念_臣以庸才蒙

恩擢授總督上年冬月馳抵滇南卽兼巡撫篆務甫於

臘月交卸茲復渥荷

溫綸仍著兼署以兩署之繁要集一身而考成又當有
事之秋籌度邊防綜持全局兼顧彌虞隕越惟當
益加淬勵殫竭愚誠以期勉副

重寄至新任撫臣程霨采交卸江蘇撫篆計期約在正
月不揣冒昧仰懇

諭飭迅速來滇以專職守所有微臣兼署撫篆日期理
合繕摺具

奏恭謝

天恩伏乞

皇上聖鑒謹

奏 道光二十七年正月初五日具

奏奉

硃批 慎勉爲之欽此

奏請揀發州縣等員摺子

奏爲請

旨揀發知州知縣等員以資差委仰祈

聖鑒事竊照滇省地界極邊五方雜處民俗近稱難治
欲期整飭綏靖必當任使得人且按年額銅採運
均須擇人而使其部選各員又因距京太遠不能
迅速到省雖經節次

奏請揀發知府同知等官現在俱已委署遇有緊要

差務及署理各缺實在不敷委用據藩臬兩司詳
請

奏懇揀發前來相應請

旨敕下部臣於在京候選人員內揀選曾任實缺知州
二員知縣六員卽令迅速來滇以資差委竝於本
科進士卽用班內多派雲南籤掣分發遇有相當
缺出分別照例請補理合恭摺具

奏伏乞

皇上聖鑒訓示再雲南巡撫係臣兼署毋庸會銜合併

陳明謹

奏 道光二十七年正月初五日具

奏奉

硃批另有旨欽此內閣奉

上諭李星沅奏請揀發知州二員知縣六員赴滇差委著吏部於在京候選曾任實缺人員內照例揀選帶領引見候旨發往餘依議欽此

奏請揀發參游都司等員摺子

奏爲滇省武職不敷委用請

旨敕部揀發以資差遣恭摺奏祈

聖鑒事竊查滇省地方遼濶營務殷繁訓練要在得人
每遇武職缺出卽當隨時揀員接署他如防邊緝
匪緊要差委亦多前督臣節次

奏請揀發各員或已經補缺或已委署事其實任各
缺又多應行給咨赴部引

見之員現當委用乏人不得不再請揀發以備差遣理
合籲懇

聖恩俯准敕部於曾任綠營候補候選人員內揀選參
將一員遊擊都司各二員由部帶領引

見分發雲南委用於邊防營伍當有裨益謹繕摺具
奏伏乞

皇上聖鑒訓示謹

奏
道光二十七年正月初五日具

奏奉

硃批另有旨欽此內閣奉

上諭李星沅奏請揀發參將一員遊擊二員都司二員
以資差遣著兵部於曾任綠營候補候選人員內照
例揀選帶領引見候旨發往欽此

雲回恃險拒捕現飭官兵圍剿摺子

奏爲雲州回匪恃險拒捕疊飭官兵攻剿刻期併力
合圍以防窺逸恭摺奏祈

聖鑒事竊照道光二十六年十月二十八日雲州地方
有回匪百餘人劫奪重囚二名十一月十五六等
日復有緬甯散匪逃入該州回寨均經嚴飭趕緊
拏究先後

奏明在案嗣因該回寨窩留各犯抗不交出逆情漸

已顯著市民亦多遷移卽經函催提臣蔭德布派委鶴麗鎮遊擊倭什渾泰署提標遊擊陳得功土守備左六雄等管帶兵練前往勒拏旋據稟報十二月初四日官兵道經樂黨該回匪卽在東山哨施放鎗砲當經兵練追殺開通道路初五日行至蠻帕寨突有回匪數百持械擁阻復經兵練殲斃多名斬級二十三顆賊始退至州街縱火焚燒延及州署該州本無城池官弁分投撲救趕護監倉

左大雄闖入格鬥賊匪一面阻截輒行開放獄囚
搶掠倉穀適提標千總汪海帶兵自外攻入左大
雄帶練自內攻出約殲賊匪二百餘人并將賊目
海老陝斬級懸示左大雄旋即帶練搶上賊寨後
之象山紮營與官兵互相犄角等語臣接閱之下
實深忿恨時騰越鎮總兵李能臣駐兵雲州較近
之把邊關復飭迅往督戰旋據稟稱十一日正在
接仗李能臣帶兵趕到卽開劈山礮轟斃賊匪數

十人嗣值賊匪數次揚旗鳴鑼披髮塗臉各執刀
矛跳舞迎拒均經兵練奮勇擊敗十四日李能臣
帶兵三起督同左大雄進攻將該匪所踞街頭觀
音閣用礮轟倒壓斃多名署遊擊陳得功等乘間
卽撲賊巢搶入頭道柵門賊勢甚迫適因大雨撤
回賊匪由此伏寨連日不出每遇兵練進攻止於
街口牆洞施放鎗砲我明彼暗未卽得手二十一
日李能臣復分兵三路攻打佯敗誘戰共殲賊匪

五六十人左大雄帶練接應復殲賊匪二十餘人
正欲直撲賊寨該匪復匿牆裏暗放鎗砲于總汪
海毛文元致被轟傷猶復帶兵環攻時已日暮始
漸收隊等語臣查雲州地圖回寨負山倚河向與
州署毗連回族較衆其寨牆兩重俱有砲眼牆內
挖有塹壕壕內伏有竹籤因道光十九年緬甯互
鬥案後自衛該寨而設今乃恃此負嵎膽敢匿犯
抗拒外則藉倚州市內則裹脅良回且始據武生

馬凌霄繼據文生張大文等赴營乞限願將重犯
細出當經該鎮將等剴諭准行屆期仍無信息適
足徵其狡詐洵屬罪不容誅惟有趁茲大舉激勵
將士嚴速圍裹遠截近攻或誘之成擒或偪之使
獻渠魁授首脅從革心無以小醜損威無以坐困
生懈節經密飭妥辦現查附近回寨各口及附近
雲州要隘均有兵練防守不得任賊出入布置尙
覺周匝仍飛咨提臣蔭德布就近專督圍勦無稍

刻延滋蔓并飭臬司曹泰由大理移駐蒙化堵緝
較爲扼要臣復酌籌經費相度機宜斷不敢倉猝
急功尤不敢苟且了事一俟辦理就緒卽當由驛
奏

聞以期勉紓

宸注爲此恭摺具

奏伏乞

皇上聖鑒謹

奏 道光二十七年正月初五日具

奏奉

硃批由驛業經有旨矣欽此

附奏先行覆陳勦辦匪徒竝察看蔭德布是否勝
任片子

再臣承准軍機大臣字寄道光二十六年十二月
十二日奉

上諭陸建瀛奏委員查辦邊境遊匪滋事及籌撥經費
一摺雲南大小猛統地方游匪藉稱挾道光十九年
客民械鬪之嫌膽敢糾約一千餘人闖入緬甯界內
滋事實屬愍不畏法且難保無另有匪徒勾結遇事

挑衅亟應大加懲創現據陸建瀛飭委知府寶俊參將伊昌阿馳往會同鎮道查辦竝飛咨署提督察看情形親往督勦李星沅現已抵任著卽督飭該員等趕緊兜拏實力勦辦務須迅速蕺事淨絕根株毋使滋蔓其所請經費著准其於邊費項下動撥銀一萬兩解往備用如竣事較速仍卽繳還庫貯至署提督蔭德布如已親往督辦能否勦捕得宜且於此缺是否勝任著李星沅詳細察看據實具奏毋稍徇隱將

此諭令知之欽此臣查緬甯游匪業已聞風散匿至雲州回寨拒捕現在官兵漸集上緊合圍經臣嚴切催辦卽責成署提臣蔭德布一力督勦使之責無旁貸并以勦捕能否得宜卜其是否勝任容再詳細察看據實具奏其後路策應已飭臬司普泰會營帶兵駐劄臣現兼撫篆仍於省城鎮定籌維隨時密加調度務令同心制勝及早肅清所有奉到

諭旨緣由合先附陳謹

奏

硃批一鼓作氣最忌姑息醜類務盡殲除毋畱後患勉
之欽此

奏報籌勦雲回實在情形摺子

奏爲雲州回寨細獻前劫重囚并商同滋事匪犯分別處決嚴審仍飭兵練圍裏勒獻兩案夥匪以靖地方恭摺奏祈

聖鑒事竊照雲州回寨前因劫奪處決絞犯馬子鳴易
峒亮二名并容留緬甯竄入匪徒抗不交出節經
鎮將攻勦先後均得勝仗臣於本年正月初五日
專摺具

奏在案旋接署提臣蔭德布署迤西道黃德濂函稟
據稱該回寨自騰越鎮總兵李能臣督率將備兵
練併力環攻疊次轟斃拒捕賊匪弁割獲首級存
記外又生擒奸匪茶五十六賴金祥吳開先陳政
畢上林黎小科李發徐小黑等八名解赴臬司收
審賊勢始漸窮蹙該寨文生張大文武生馬聯宵
回民馬世瑞等復向大營懇恩先將劫去絞犯馬
子鳴易咽喉亮二名細獻軍前公同驗明委係正身

於正月初七日解至蒙化當經臬司普泰提訊確
實依律處決詳報并由順甯文武乘機設間縱令
馬聯宵等歸寨卽據兩次細送馬世寶羅貞羅幗
正馬升貴謝郎子卽謝幗柱黃添貴卽黃小七等
犯由大營解府嚴鞠餘仍乞限續交又隨繳銅砲
一具抬砲四桿烏鎗十六桿矛桿十一根前來等
語臣查雲州回寨匪犯拒捕恃險負嵎實屬目無
法紀而其肇禍之始尤在劫奪處決重囚茲旣將

該二犯細送又交出夥犯數名砲械等件是該寨亦有良回心知畏罪惟良回尙可曲宥而奸匪斷難姑容此次商同劫囚及由緬甯竄入各犯雖經官兵接仗殲斃約五六百名并據犯供賊目海老陝姚老五撒老九蔡老耶等均被當場擊殺而其寨內所藏匿寨外所勾結人數當不止此卽所繳器械亦甚無多兼恐游匪烏合另有主謀首禍亟應悉數擒獻俾就殄滅現仍飛飭鎮將益勵軍威

上緊勒限嚴催逾限不交立即督兵攻勦并屬署
提臣蔭德布就近相機親往策應毋令奸徒反覆
明乞緩攻而隱懷負固以期妥速賊事至雲州衙
署監倉據署迤西道稟稱州署未經燒燬倉穀亦
未搶失惟監囚乘便逸出內有秋審緩決絞犯四
名正在分投晒緝亦即迅飭覆查毋得稍涉含混
其前次緬甯散匪逃入猛統地方仍當偵探賊踪
密速堵緝如敢別圖竄擾即移兵練追拏嚴加懲

辦所有官兵籌勦雲州近日實在情形謹由驛馳
奏伏乞

皇上聖鑒謹

奏
道光二十七年正月十九日具

奏奉

硃批另有旨又於弁屬提臣蔭德布就近相機親往策

應四句旁奉

硃圈復奉

硃批不可稍有遷就畏蕙之見懍之欽此

恭謝

頒賞福字奶餅果乾摺子

奏爲恭謝

天恩仰祈

聖鑒事竊臣齋摺差弁回澳捧到

恩賞

御書福字并奶餅果乾臣卽恭設香案望

闕叩頭祇領伏念臣渥蒙

簡任兼綰封圻矢夙夜以維虔顧歲時而自凜茲值龍
杓新序復邀

螭陛殊施玉燭均調瑞輯

九宸之福

金章特賁歡盈六詔之春飫

湛露於醅醕瓊酥范餅映綵雲而璀璨珍果連函荷萬
里之

頒恩益五中之銜感臣惟當欽承

敷錫仰

皇極而保乂邊氓敬捧香腴榮

君賜而遠貽潔養所有微臣感激下忱理合繕摺叩謝

天恩伏乞

皇上聖鑒謹

奏
道光二十七年二月初十日具

奏奉

硃批覽欽此

委署鎮遠騰越等鎮總兵篆務摺子

奏爲委署總兵篆務循例奏祈

聖鑒事竊臣接准兵部咨奉

上諭湖北提督著榮玉材補授所遺貴州鎮遠鎮總兵
員缺著秦定三補授欽此臣查新授鎮遠鎮總兵秦
定三到黔尙需時日榮玉材應卽交卸起程當經
委令松桃協副將拴住署理尙未具

奏旋奉

諭旨雲南騰越鎮總兵員缺著拴任補授欽此拴任亦應交卸迎摺北上所有貴州鎮遠鎮總兵篆務應卽另行委員接署查有平遠協副將尙宗軾老成謹飭營務認真堪以委令署理再前任騰越鎮總兵李能臣現經部議降一級調用該員正在雲州督勦回匪未便遽易生手仍令暫署騰越鎮印務以專責成除檄飭遵照外所有委署總兵緣由理合恭摺具

奏伏乞

皇上聖鑒謹

奏 道光二十七年二月初十日具

奏奉

硃批知道了欽此

奏請援案於黔省藩庫收捐並展捐輸限期摺子
奏爲雲南僻在邊隅現辦捐輸經費謹援陝甘成案
請於黔省藩庫就近收捐懇

恩並展捐限以示體卹仰祈

聖鑒事竊照上年勦辦永昌回匪在本省鹽課項下借
動經費銀兩經前督臣奏蒙

恩允定限一年照豫工二卯例由滇省收捐歸款茲自
上年十月復有大小猛統回匪突入雲緬地方滋

擾經前撫臣陸建瀛暨臣抵任後

奏明調兵勦辦並請借動鹽課溢餘等項銀兩先後撥給經費以資接濟飭令委員撙節支用在案臣查此項銀兩亟應籌款歸還所有本省捐輸截至本年正月止歷限已經八月僅收捐銀一十三萬有奇轉瞬卽屆限滿核之前次借項計尙不敷籌補現復軍用孔殷截數未能遽定且常年邊備項下動形支絀緩急時有亦宜豫爲寬籌滇省僻處

西南罕通舟楫山程修阻往返維艱外省捐生雖
各報効情殷每多憚於遠涉觀望中止伏查上年
兵科給事中曹履泰奏甘肅道途遼遠捐生對會
銀兩及自行運解諸多未便請改歸陝西設局收
捐一摺部議奉

旨允行今滇省事同一律可否籲懇

鴻慈俯准援照陝西就近報捐之案並於黔省藩庫上
兌所收銀兩解滇歸還借款如有盈餘卽行報部

存貯畱充邊備前定本年五月限期請

旨展至十二月截止俾各捐生程途較近益加踴躍輸
忱似於軍用邊儲兩有裨益臣爲慎重庫欸起見
是否有當伏乞

皇上聖鑒飭部核議施行謹

奏
道光二十七年二月初十日具
奏奉

硃批戶部議奏欽此

附奏暫兼學政日期片子

再臣接准河南撫臣來咨雲南學政蕭浚蘭已由該省

奏報丁憂開缺當經轉行咨會蕭浚蘭甫在澂江府歲試就竣卽日馳回赴汴所有雲南學政關防臣於二月初六日暫爲祇領兼署俟新任學政抵滇移交接考計期可無遲誤合併陳明謹

奏

硃批覽欽此

奏報官兵圍剿拏獲回案首要各犯勒交餘匪漸

就肅清摺子

奏爲官兵嚴密圍剿回案首要各犯續行拏獲勒交
餘匪漸就肅清恭摺奏祈

聖鑒事竊照緬甯游匪竄入雲州回寨勾結拒捕罪不
容誅前經鎮將督兵攻擊業將劫去重囚弁商同
滋事匪犯細獻大營由臣先後馳

奏在案查回匪頻年肆虐糾約橫行必有首禍主謀

尤應先行誅殛以昭炯戒節經嚴飭署迤西道黃
德濂開化府知府寶俊速就現獲各犯確審跟追
旋據督率委員提犯究詰始據供緬甯滋擾爲首
係馬嶠海卽黑牙齒本緬甯殺差問斬中途脫逃
之犯雲州劫囚爲首係馬登宵雲州聚衆抗官爲
首係海連升及各夥犯姓名又據供張富於上年
十二月十四日在雲州觀音閣被矛戳傷右脇身
死大白象卽馬效青不知去向等語復經臣分別

飛飭悉數兜擒且以張富死無證據仍卽密速勒
拏無任狡飾免脫嗣據大營續獲戴軍照馬逢春
宋時康袁潮相滕雲楊政等犯又回寨續交馬登
霄張安舟黃病七馬亨科等犯均經陸續訊明或
隨同打仗劫囚或分途購藥搬匪及各重情不諱
惟指拏首犯則止馬登霄一名餘仍延不交出卽
經李能臣督催兵練於正月初十日分五股環攻
殲斃賊匪四五十人蔭德布亦於十一日親往催

勦連日不分晝夜忽而游兵牽擾忽而合隊圍攻
鎗砲齊施弓弩驟發匪出輒擊殲斃無算兼用九
節大砲轟倒賊營帳房礮子飛擊牆屋柵內日益
驚潰該寨矜耆等疊次詣營泣訴賊匪實已無多
今又細獻川陝回匪馬重才蔡重秀白正明三名
所有指名首犯均極兇橫難近求緩設法協拏隨
經拏到馬幗海一犯查係臨時拒捕自抹膊項驗
明左手舊無大指卽於營前訊供凌遲梟示斷腕

解驗又經拏到海連升一犯查係維西獐獐練給
藥毒迷仍卽用藥解醒審明決罪又訪獲馬效青
之子馬富科及其甥馬科訊明馬效青逃竄不遠
立卽上緊截拏適有猛浪回匪乘間燒搶僅距雲
州六十里先經大營選派東川營參將愛興阿分
兵往捕連獲馬秉良馬廷選馬凌雲馬二白楊岑
李四林等犯又搜獲劈山礮鳥機礮鳥鎗長矛等
件正在奮勇勦洗偵知馬效青藏匿該寨卽加兵

練合圍於正月二十六日設伏生擒馬效青急吞
火石不肯飲食亦卽速解審明決罪惟張富一犯
據供矛傷致斃衆口一詞并回寨繳到犯屍頭面
腋肢腐爛飭卽檢驗被傷處所及屍衣矛戳穿洞
又訪獲該犯之母木氏妻羅氏到案隔別研究均
與各供相符臣猶未敢遽信現在飭提屍棺及該
犯家屬解省親訊明確核實辦理至馬幗海馬登
宵海連升三犯均積年著名首惡通省皆知茲幸

一律就擒遠近無不稱快卽馬效青投誠復竄反側顯然且曾兩次糾衆劫燒久爲滇人切齒聞與馬惱海行刑之日兵民爭向嚮割幾同寸磔足見罪惡貫盈終難倖逃法網迤西風氣悍戾得此當足示懲仍飭在事文武卽將該寨脅從妥速解散搜除俾奸回共知畏威而良回亦知懷德一面安集州市查核監倉再將應辦事宜次第熟籌經理并全案各犯供招罪名差等由臬司審擬彙詳核

奏所有出力文武各員可否容臣酌保數人以示鼓勵之處出自

天恩爲此恭摺由驛具

奏伏乞

皇上聖鑒訓示謹

奏道光二十七年二月十三日具

奏奉

硃批所辦好可嘉之至另有旨欽此內閣奉

上諭李星沅奏官兵圍剿回匪首要各犯續行拏獲勒
交餘匪漸就肅清一摺所辦甚好可嘉之至滇省回
匪由緬甯竄入雲州勾結拒捕節被攻擊獻出重犯
復經該督嚴飭密速勒拏首犯卽據續獲要犯多名
又據回寨續交指拏首犯馬登宵一名餘仍延未交
出該提督等復行督勦殲斃無算賊營驚潰該寨矜
耆等迭次詣營泣訴旋續拏到馬幗海海連升兩犯
又設伏生擒馬效青一犯張富已據供被傷致斃著

名首惡現已一律殲滅餘匪漸就肅清李星沅調度有方辦理迅速著賞加太子太保銜并賞戴花翎以示優獎其張富被矛戳傷身死一節仍著該督確切查明務得實據所有在事出力文武員弁著擇其尤爲出力者據實保奏候朕施恩毋許冒濫欽此

覆奏查明原辦回務實在情形摺子

奏爲遵

旨確查據實覆

奏事竊臣承准軍機大臣字寄奉

上諭本日據李星沅奏原辦回務大概情形并現在籌
勦緬甯回匪一摺雲南漢回積怨報復大而械鬪小
而焚劫幾至無歲不有著卽詳加體察悉心酌辦倘
賀長齡從前辦理不善卽著據實嚴參毋稍徇隱至

李文恭公奏議

卷十三

滇督

七

此次緬甯之擾與永昌前案有無牽涉并雲州處決人犯突被回匪打奪是否卽係緬甯匪徒抑或另有勾結均須澈底查明逐一根究回匪張富投誠是否出於真心尤須訪查確實迅速具奏等因欽此臣查

滇省兩年回務經前督

臣

賀長齡兩次調兵會辦

其殲除逆回安撫難回勸諭良回及設漢回互保之法均與所奏相符原辦尙無不實臣再四查察亦無辦理不善確據惟張富馬效青籲懇投誠一

節夥犯器械本屬無多又以無足比數之人不值
代請免罪伏讀三次

諭旨指示詳明

臣

亦疑其苟且目前將就了事節經稽

之聞見核之案牘證之探報犯供務得實在情形
查張富馬效青自上年秋間投誠曾隨地方官同
赴右甸勸導漢回和好嗣馬幘海等入緬滋事又
隨代辦順甯府彭衍墀前往雇練彈壓時在臣未
到任之先賀長齡已離任之後是其投誠效用始

未必不係真心迨緬民一見回練輒行拒殺回練不服轉將該二犯裹脅出城旋匿雲州回寨至十二月初間官兵馳往勦捕回匪以該二犯曾經打仗逼令同行十四日在觀音閣拒守官兵疊用鎗礮將閣轟倒張富被矛傷斃馬效青久與張富狼狽爲奸繼因勢孤膽怯恐被回寨擒獻卽於接仗時乘間逃入猛浪始經官兵拏獲提訊據供各情歷歷如繪縱無復叛實跡然與匪黨伏處卽投誠

前後若出兩人張富旣死有餘辜馬效青亦罪無
可這惟有正法傳首大快人心至雲州回匪打奪
處決重囚其與緬匪勾結恃險拒捕業據獲犯訊
供照律決罪毫無疑義雖於永昌前案未據供有
牽涉而此次殲盜各犯姓名間亦相同安知非上
屆逸出且永昌前年九月初二日之變迤西道羅
天池倉卒掩捕未能詳慎區分以致衆回寒心奸
回藉口大局遂多叢脞卽張必祿之帶兵主撫賀

長齡之准匪投誠皆以羅天池維厲之階不得不
權宜酌辦相應請

旨將前任雲南迤西道告病回籍之羅天池卽行革職
永不叙用以爲輕發躁妄者戒至賀長齡辦理回
案意在破除積習化莠爲良第未審受病之源卽
已蹈欲速之弊勦撫兼用功效兩難雖觀過知仁
待人常失於厚而致遠恐泥慮事終失之疎卽如
張富馬效青始而投誠久而被脅固非初念所及

究無先見之幾又如羅天池搜殺過多託疾以去
自應從嚴參劾乃止請將議敘撤銷曷足以昭平
允臣迂鈍無用且不如賀長齡渥蒙

簡任之專

訓戒之切自維天良未泯不敢以仰承

嚴旨故事苛求更不敢以曲徇同鄉稍存諱飾但有一
毫遷就卽屬自外

生成所有疊奉

李文恭公奏議

卷十三

滇督

五

諭查緣由謹據實披瀝覆陳伏乞

皇上聖鑒謹

奏 道光二十七年二月十三日具

奏奉

硃批所奏真詳另有旨片畱覽欽此內閣奉

上諭李星沅奏遵旨確查原辦回務實在情形一摺覽
奏均悉此次殲擒雲州回匪多係永昌前案逸出之
犯是該匪等反覆滋擾顯因上屆辦理回務之告病

道員羅天池未能詳慎區分率行掩捕以致衆回寒
心有所藉口實屬貽誤大局前任雲南迤西道告病
回籍之羅天池著卽行革職永不叙用以爲輕發躁
妄者戒賀長齡於羅天池搜殺過多託疾以去并不
從嚴參劾止請撤銷議叙又率准張富等投誠代請
免罪種種謬妄實屬辦理不善亦著一并革職該部
知道欽此

附奏覆查蔭德布未能勝任竝李能臣擬請開復

片子

再臣續奉

諭旨蔭德布是否得力著該督仍遵前旨查看明確據實覆奏等因欽此臣前奉

上諭卽以蔭德布現辦雲州回務勦捕能否得宜卜其是否勝任隨摺附陳在案近復詳細察看蔭德布年力方壯資性聰明待將備不煩苛待兵丁不刻

扣平日操守體面人無異詞此次督辦雲回經臣
責成嚴切勦捕亦甚出力惜其更事日淺尙少威
重再得數年摩厲當可應變握奇此時此缺未敢
遽云勝任伏念滇省邊要提督首在得人竊見貴
州鎮遠鎮總兵新升湖北提督榮玉材老幹嚴明
曉暢軍務在黔九載兵畏民懷於滇省情形就近
亦多熟悉可否籲懇

天恩准以榮玉材調補雲南提督於邊防營伍均有裨

益蔭德布仍留本省酌補總兵俾之歷練老成足
備干城之選又騰越鎮總兵李能臣前因赴緬稍
遲經臣專摺

奏參部議降一級調用臣復遵

旨確查其稍遲啟程之由一因騰越兵練正須挑選一
因永平回寨適有浮言尙非意存觀望至在雲州
勦匪殲擒首要各犯實屬身先士卒勇敢有爲且
於回性夷情歷年俱深諳習在滇省武職中洵未

易得不揣冒昧仰乞

恩施容臣擬結回案時核實

奏請開復原官畱滇補用以資熟手庶功過兩不相掩勸懲各得其宜臣爲邊備得人起見用敢附片密陳伏乞

聖鑒畱中謹

奏